

Academia, vel etiam alibi in alia quavis Catholica Academia per debitum tempus studuisse, ac scientia, & moribus idoneos esse repererit, in predictis facultatibus Theologiae, Juris Canonici, & Philosophiae ad Baccalaureatus, etiam formati, Licentiatum, Lauream, ac Doctoratus, necnon Magisterii gradus, servata in omnibus forma decretorum Viennen., & Tridentin. Conciliorum, quibus in aliquo derogare non intendimus, ac alias juxta aliarum Academicarum consuetudines, & erectae, ut praefertur, Academiae statuta promoveri, & ipsorum graduum solita insignia eis exhibere, utque ad dictos gradus, sic per illum promoti postea publice, & privatim, etiam in omnibus aliis Academicis, & Universitatibus studiorum generalium facultates praedictas interpretari, & alios docere, & de eis disputare, gradui, seu gradibus hujusmodi convenientes actus exercere, ac omnibus privilegiis, gratiis, favoribus, praerogativis, & indultis, quibus aliis in praedictis Academicis, seu Universitatibus, & alibi juxta illarum Constitutiones, & mores ad gradus praedictos promoti de jure, vel consuetudine utuntur, potiuntur, & gaudent, ac uti, potiri, & gaudere poterunt in futurum in omnibus, & per omnia perinde, ac si gradus ipsos in Academicis, seu Universitatibus hujusmodi juxta illarum mores, & consuetudines rite suscepissent uti, potiri, & gaudere, necnon pro tempore existenti dictae Societatis Praeposito Generali, ut per se, vel Academiae praedictae Rectorem, aut alium, seu alios pro salubri dictae Academiae directione, ac Rectoris, Cancellarii, Lectorum, Doctorum, Magistrorum, Bidellorum, ac aliorum Ministrorum, & Officialium muneribus, & functionibus, modoque, & forma docendi, & aliis sua officia exercendi, & scholasticorum instructione quaecumque statuta, & ordinationes licita tamen, & honesta, ac Sacris Canonibus, & Concilii Tridentini decretis, & Constitutionibus Apostolicis non contraria edere, & promulgare, eaque pro temporum, rerum, & personarum qualitate, mutare, corrigere & reformare, seu illa cassare, & abrogare, & alia de novo edere, & super illorum observatione poenas ejus arbitrio imponere, dictaeque Universitatis Doctores, Magistros, Lectores, Scholasticos, Bidellos, aliosque Ministros, & Officiales eligere, & amovere, seu electiones factas confirmare, libere, & licite valeant, auctoritate, & tenore praedictis, etiam perpetuo concedimus, & indulgemus, necnon redditum annuum praedictum per eundem Melchiorum Ottonem Episcopum eidem Academiae, ut praefertur, assignatum, ac si qua alia bona, & redditus illi in futurum concedi contigerit, eidem Academiae auctoritate, & tenore similibus itidem perpetuo applicamus, & appropriamus; Praesentes vero nostras literas de subreptionis, vel obreptionis, aut nullitatis vitio, vel intentionis nostrae, aut alio quopiam defectu

notari, seu impugnari, infringi, limitari, seu in jus, vel controversiam vocari, aut adversus eas quodcumque juris, & facti, vel justitiae, aut gratiae remedium intentari, impetrari, vel concedi nullatenus unquam posse, sed illas semper, & perpetuo adversus quascumque impugnationes, & exemptiones validas, & efficaces fore, & esse, suoque plenarios, & integros effectus sortiri, & obtinere debere; Sicque, & non aliter in praemissis per quoscumque Judices, ordinarios, & delegatos, etiam causarum Palatii Apostolici Auditores, ac S. R. E. Cardinales, judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari decernimus.

§.3. Non obstantibus Constitutionibus, & Ordinationibus Apostolicis, etiam Conciliaribus, ac quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis aliis in suo robore, permansuris ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majoris sub Annulo Piscatoris, die 18. Julii 1648. Pont. Nostri Anno IV.

C X.

Breve Confirmationis Privilegiorum Hospitalis S. Joannis Hierosolymitani.

INNOCENTIUS PAPA X.

Ad perpetuam rei memoriam.

Universalis Ecclesiae regimini per ineffabilem Divinae Sapientiae providentiam, meritis licet insufficientibus praepositi inter multiplices pastoralis officii curas, illam peculiari sollicitudine libenter amplectimur, qua privilegia, gratiae, & indulta militibus, & Hospitalibus quibuslibet ad majorem Dei gloriam, suaeque Ecclesiae Sanctae exaltationem, illius vero hostium profligationem pie, provideque instituta a Romanis Pontificibus Praedecessoribus nostris concessa, quo majoris validitatis munimine subsistant, Apostolicae confirmationis patrocinio muniuntur, prout rerum, temporumque qualitatibus debite pensatis conspiciamus in Domino salubriter expedire.

§.1. Cum itaque, sicut accepimus alias fel. record. Leo X., & Clemens VII., Paulus III., Pius IV., & Pius V. Rom. Pontifices Praedecessores nostri inter alia privilegia, & indulta dilectis filiis Magistro, ac Conventui

Decretum licitum.

Contrarius derogat.

Die die 18. Julii 1648. An. IV.

Exordium.

Privilegia concessa Hospitali S. Joannis Hierosolymitani a Summis Pontificibus.

III

tui Hospitalis Sancti Joannis Hierosolymitani a Sede Apostolica concessa, eundem, & pro tempore existentem Magnum Magistrum, Bajulivos, Castellanos Empostae, Priores, Praeceptores, Milites, Familiars, aliasque personas Hospitalis hujusmodi, necnon eorum Subditos, Vassallos, Colonos, Servitores, & alios in eorum obsequiis, & dicti Hospitalis beneficiis quomodolibet nuncupatis existentes, etiam Presbyteros curam animarum exercentes, quandiu illam exercerent, & in illorum obsequiis forent, illorumque animalia, praedia, domos, molendina, & bona quaecumque, quae obtinebant, ac imposterum obtinerent, & possiderent, a solutione, & exactiōe decimarum, censuum, jurium, etiam synod., & canonicarum portionum, seu charitativi subsidii, aut jucundi adventus, seu quartae, aut alias quomodolibet, aut aliorum quorumcumque onerum, sub certis modo, & forma exemerint, & liberaverint, prout in diversis ipsorum Praedecessorum desuper confectis literis plenius continetur.

§.2. Et licet ipsi Milites, & aliae personae praedictae non debuissent a quoquam contra dictorum privilegiorum tenorem, & formam molestari, perturbari, vel inquietari, cum ipsi non modo eorum facultatibus, & fortuniis, verum etiam sanguini, & vitae pro tuitione Fidei Catholicae non pareant, nihilominus cum diversis locorum Ordinarii, ac Parochialium Ecclesiarum Rectores, & multae capitulares personae id sibi omnino juxta Sacri Concilii Tridentini decreta licere asserentes, eisdem Magnum Magistrum, Bajulivos, Castellanos Empostae, Priores, Praeceptores, Milites, & personas diversis oneribus contra eorum privilegia praegravarent, illisque ad decimas, census, subsidia, etiam charitativa, congruas portiones, jucundum adventum, Pastorem bonum, aut alias nuncupata onera, etiam jura synodalia solvere cogere praesumant, in maximum ipsius Hospitalis detrimentum, & gravamen, fel. rec. Greg. XIII., Sixtus V., & Gregor. XIV. similiter Praedecessores nostri ex certa scientia, & Apost. potestatis plenitudine, omnia, & singula privilegia, indulta, facultates, exemptiones, immunitates, libertates, & alias gratias eisdem Magno Magistro, & Conventui quomodolibet concessa confirmantes, approbantes, & innovantes, eos super praemissis quomodolibet molestari, inquietari, ac perturbari districtius prohibuerunt.

§.3. Et praeterea cum inter alia fel. rec. Pius Papa IV. etiam Praedecessor noster, eisdem Magno Magistro, & Conventui inter caetera privilegia Prioratus, Bajulivatus, Castellaniam Empostae, Commendas, & alia ejusdem Hospitalis beneficia libere unendi, & dismembrandi facultatem concessissent, & nihilominus a quibusdam quandoque dubitaretur, an ante, vel post mortem possessorum unio, seu dismembratio ipsa fieri posset, ac deberet, idem

Bull. Rom. Tom. VI. Par. III.

Gregorius Praedecessor ad tollendum omne dubium, & ambiguitatem, quae, in praemissis in futurum oriri poterant, ut quodcumque eis videretur, sive post mortem possessorum Prioratus, Bajulivatus, Castellaniam Empostae, & alia ejusdem Hospitalis beneficia unire, & dismembrare libere, & licite possent, & valerent, necnon omnia, & singula privilegia, & exemptiones praedictas, etiam ad Confratres, & Donatos ejusdem Hospitalis extendi deberent, decrevit, ac decretum, & declarationem hujusmodi, aliaque praemissa rec. pariter mem. Clemens VIII., Paulus V., & Gregorius XV. Romani Pontifices approbarunt, & confirmarunt; novissimeque omnium fel. etiam rec. Urbanus Papa Octavus Praedecessor noster omnia, & singula privilegia, indulta, facultates, exemptiones, immunitates, libertates, & alias gratias eisdem Magno Magistro, & Conventui quomodolibet concessa, Apostolica itidem auctoritate confirmavit, & approbavit, & alias prout eorundem novissimorum Pontificum Praedecessorum literis, quarum tenores praesentibus pro expressis haberi volumus, uberius continetur.

§.4. Nos igitur attendentes praecleara ejusdem Hospitalis erga Fidem Catholicam, & Sedem Apostolicam merita, ac cupientes ut privilegia, exemptiones, & gratiae eo firmiter subsistant, quo saepius ab eadem Sede confirmata extiterint, Magnum Magistrum, Priores, Bajulivos, Castellanos Empostae, Praeceptores, Milites, & Fratres, & eorum singulos, singulareque dicti Hospitalis personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, necnon omnium, & singulorum privilegiorum, indultorum, facultatum, exemptionum, immunitatum, libertatum, & gratiarum per praedictos, & alios quoscumque Romanos Pontifices Praedecessores nostros, & Sedem Apostolicam Hospitali praedicto, illiusque Magno Magistro, Conventui, & Fratribus Militibus, aliisque praedictis personis concessorum, ac literarum desuper confectarum tenores praesentibus pro expressis habentes, de Venerabilium Fratrum nostrorum S. R. E. Card. Concilii Trid. Interpretum, consilio: Motu proprio, non ad Magni Magistri, & Conventus hujusmodi, aut alicujus alterius Nobis super hoc oblate petitionis instantiam, sed ex certa scientia, & de mera nostra liberalitate, ac Apostolice potestatis plenitudine, omnia, & singula privilegia, indulta, facultates, exemptiones, immunitates, libertates, & alias gratias eisdem Magno Magistro, & Conventui quomodolibet concessa, exceptis tamen decretis ejusdem Concilii Tridentini,

A censuris ab solvis.

X 2

& Constitutionibus Apostolicis, necnon aliis, in quibus specificè eadem Religio exprimitur, & comprehendi disponitur, quæ in suo robore, & efficacia permaneant, tenore præsentium confirmamus, & approbamus, illisque perpetuæ, & inviolabilis Apostolicæ firmitatis vim, & robur adiciamus, ac omnes, & singulos, tam juris, quam facti defectus, si qui desuper quomodolibet intervenerint, supplemus.

Clausulas præservativas apponit.

§.5. Decernentes præsentibus literis ullo unquam tempore de subreptionis, vel obreptionis vitio, aut intentionis nostræ, vel quopiam alio defectu, etiam ex eo quod laicorum Ordinarii ad id vocati non fuerint, notari, impugnari, vel invalidari minime posse, minufque sub quibuscumque similibus, vel dissimiliis gratiarum, revocationibus, limitationibus, restrictionibus, & derogationibus comprehendi posse, sed semper ab illis exceptas, & quoties illæ emanabunt, toties in pristinum statum restitutas, repositas, & plenarie reintegratas esse.

Clausula sublata.

§.6. Sicque ab omnibus censerit, & ita per quoscumque Judices, & Commissarios quavis auctoritate fungentes, etiam causarum Palatii Apostolici Auditores, ac Sanctæ Romanæ Ecclesiæ Cardinales, sublatis, & eorum cuilibet quavis aliter iudicandi, seu interpretandi facultate, & auctoritate, iudicari, & definiri debere, ac irritum, & inane, si secus super his a quoquam quavis auctoritate, scienter, vel ignoranter contigerit attentari.

§.7. Quocirca dilectis filiis in Regnis Hispaniarum, & Neapolitan. nostris, & dictæ Sedis Apostolicæ pro tempore existentibus Nunciis, ac Curia causarum Cameræ Apostolicæ Generali Auditori, seu cuivis alio ejusdem Sedis Nuncio, seu Internuncio, aut Jurium, & Spoliorum Cameræ Apostolicæ debitorum Collectori, in quibusvis Regnis, seu Provinciis Reipublicæ Christianæ pro tempore commorantibus per præsentibus Motu simili committimus, & mandamus, quatenus ipsi, vel duo, aut unus eorum, per se, vel alium, seu alios præsentibus literas, & in eis contenta quæcumque, ubi, & quando opus fuerit, & quoties pro parte eorundem Magni Magistrum, & Conventus fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra eisdem Magnum Magistrum, & Conventum confirmatione, approbatione, decreto, aliisque omnibus, & singulis præmissis uti, frui, aut gaudere, non permittentes eos per Ordinarium prædictos, aut quoscumque alios contra præsentium tenorem quomodolibet molestari, perturbari, aut inquietari.

Contravenientibus penas imponit.

§.8. Contradictores quolibet, & rebelles per sententias, censuras, & penas Ecclesiasticas, aliaque opportuna juris, & facti remedia, appellatione postposita compescendo, legumisque super his habendis servatis processibus, sententias, censuras,

& penas ipsas, etiam iteratis vicibus aggravando, invocato etiam ad hoc, si fuerit opus, auxilio brachii sæcularis.

Contrariis de rogat.

§.9. Non obstantibus piæ mem. Bonifacii Papæ Octavi, etiam Prædecessoris nostri de una, & in concilio generali altera de duabus dietis, dummodo ultra tres dietas aliquis auctoritate præsentium in iudicium non trahatur, ac aliis quibusvis Apostolicis, ac in Provincialibus, & Synodalibus Conciliis editis generalibus, vel specialibus Constitutionibus, & Ordinationibus, necnon juramento, confirmatione, Apostolica, vel alia quavis firmitate roboratis statutis, & consuetudinibus, privilegiis quoque, indultis, & Literis Apostolicis quibusvis personis, etiam præfatis locorum Ordinariis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, etiam motu, & scientia similibus, etiam consistorialiter, & de Fratrum nostrorum consilio, in contrarium præmissorum quomodolibet concessis, confirmatis, & innovatis. Quibus omnibus, & singulis, etiam si de illis, eorumque totis tenoribus specialis, specificæ, expressæ, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum tenores, ac si de verbo ad verbum præsentibus inserti forent, pro plene, & sufficienter expressis, & insertis habentes, illis aliis in suo robore permansuris, ad præmissorum effectum specialiter, & expresse derogamus, ceterisque contrariis quibuscumque. Aut si aliquibus communiter, vel divisim ab eadem sit Sedes indultum, quod interdicti, suspendi, vel excommunicari non possint per literas non facientes plenam, & expressam de indulto hujusmodi mentionem. Eorundem autem Prædecessorum vestigiis inhærentes volumus, quod dicti Pii V. 22. Septembris, Anno VI., ac Greg. XIII. Prædecessorum nostrorum literis sub Annulo Piscatoris 25. Nov. Anno XIX. Pontificatum suorum expeditis, in suo robore, & efficacia permanentibus, præsentibus literæ Ecclesiæ, & personas in his, quæ ad curam animarum pertinent, in quibus decreta Conc. Tridentini hujusmodi omnino servari debere intendimus, minime comprehendant.

Transumptum fides.

§.10. Ac quod præsentium literarum transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus adhibeatur fides, quæ adhiberetur præsentibus, si forent exhibite, vel ostensæ.

Dat. die 18. Julii 1648. An. IV.

Dat. Romæ apud S.M. Majorem sub Annulo Piscatoris, die 18. Julii 1648. Pont. nostri Anno IV.

Ex Reges. in Secreti, Breve.

Confirmatio aliquot Responsorum Congregationis Sac. Concilii Tridentini ad ad quædam Dubia per Capitulum Ecclesiæ Conchen. proposita circa visitationem Episcopi, adhibitionem adjunctorum contra Canonicos, & Capitulares dictæ Ecclesiæ.

INNOCENTIUS PAPA X.

Ad futuram rei memoriam.

Expositio.

§.1. Exponi Nobis nuper fecerunt dilecti filii Capitulum, & Canonici Ecclesiæ Conchen., quod ad dirimendas certas controversias, alias inter Venerabilem Fratrem Episcopum Conchen. ex una, ipsosque exponentes partibus ex altera exortas propositis in Congregatione Venerabilium Fratrum nostrorum Sanctæ Romanæ Ecclesiæ Cardinalium Sacri Concilii Tridentini interpretum dubiis infra scriptis ad eorum singula idem Cardinales responderunt, prout sequitur, videlicet:

Dubia quibus Card. respondere debent.

I. An Episcopus ex decreto S. Concilii Tridentini teneatur adhibere adjunctos conjudices contra Canonicos, & Capitulares suæ Ecclesiæ Cathedralis in revisione computorum, & administrationis operum piorum, seu potius per se ipsum tam in actu visitationis, quam extra in eos animadvertere juris ordine servato, & processu compilato.

II. An Episcopus, sive ejus Vicarius, vel alius Visitator Generalis ab Episcopo delegatus, teneatur dum visitat Ecclesiam Cathedralis, & personas Capitulares adhibere Adjunctos Conjudices a Capitulo quot annis eligendos, vel potius soli possint per se ipsos in concernentibus visitationem procedere, informaciones sumere, corrigere, & punire, nulla tamen servata forma iudicii, seu processu compilato.

III. An ubi in actu visitationis dirimendum est crimen incontinentiæ inveterate, seu concubinatus inter aliquem ex Capitularibus, & Mulierem solutam perpetratum, possit Episcopus, sive ejus Vicarius, seu Visitator Generalis contra dictam Mulierem procedere, eamque juris ordine servato, ac processu compilato punire, non obstante, quod correus criminis sit persona Capitularis, & a dicto Sacro Concilio in causis criminalibus privilegiata, ne contra ipsam sine Adjunctis Conjudicibus procedatur.

IV. An casu discordiæ inter Episcopum, & Adjunctos Conjudices a Capitulo deputatos eligendus est tertius infra sex dierum spatium, debeat dictus tertius esse unus de Capitularibus ejusdem Ecclesiæ, vel potius quilibet alius extraneus deputari possit.

Die 23. Novembris 1647. Sacra Congregatio Eminentissimorum Cardinalium Conc. Trid. Interpretum ad supradicta dubia respondit, ut sequitur.

Ad I. Episcopum posse sine Coadjutoribus adjunctis computa, & administrationem operum piorum a personis Capitularibus exigere, si criminaliter in forma iudicis contra eos non procedat.

Cardinalium responsum.

Ad II. Episcopum posse in visitatione absque Adjunctis Conjudicibus, Ecclesiam Cathedralis, & Capitulares visitare, eisque penas imponere extraordinarias, quæ magis morum correctionem, quam punitionem respiciant, non autem extra visitationem, nec quando contra Capitulares ad penas extraordinarias procederet.

Ad III. Contra Mulierem in crimine incontinentiæ, seu concubinatus, ut supra expresso, posse per Episcopum in actu visitationis absque Conjudicibus Adjunctis procedi.

Ad IV. Tertium eligendum in casu discordiæ debere omnino esse Capitularis rem.

Petrus Aloysius Card. Carafa. Loco Sigilli.

Franciscus Paulutus S. C. C. Secr.

§.2. Cum autem, sicut eadem expositio subjungebat præfati Capitulum, & Canonici præmissa, quo firmius subsistant, & inviolabiliter observentur, auctoritate apostolica per Nos confirmari summopere desiderent.

A censuris ab solvis.

§.3. Idcirco Nos eorundem Capituli, & Canonicorum votis hac in re annuere, illosque specialibus favoribus, & gratiis profæqui volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penas a jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum harum serie absolventes, & absolutas fore censentes, supplicationibus illorum nomine Nobis super hoc humiliter porrectis inclinatis, præinserta resolutiones, & seu responsa eorundem Cardinalium, Apostolica auctoritate, tenore præsentium confirmamus, & approbamus, illisque inviolabilis Apostolicæ firmitatis robur adiciamus, & inviolabiliter observari mandamus, salva tamen semper in præmissis auctoritate Congregationis eorundem Cardinalium.

Decretum irritans.

§.4. Decernentes sic, & non aliter in præmissis per quoscumque Judices ordinarios, & delegatos, etiam causarum Palatii Apostolici Auditores, ac Sanctæ Romanæ Ecclesiæ Cardinales etiam de latere Legatos, & Sedis Apostolicæ Nuncios, iudicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Derogatio contrariarum.

§.5. Non obstantibus Apostolicis, ac in Universalibus, Provincialibusque, & Synodalibus Conciliis editis generalibus, & specialibus Constitutionibus, & Ordinationibus, necnon Ecclesiæ Conchen. quatenus opus sit, etiam juramento, confirmatione Apostolica, vel quavis firmitate alia

alia roboratis statutis, & consuetudinibus, privilegiis quoque, indultis, & Literis Apostolicis eidem Ecclesie, ac quibusvis personis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, & decretis in contrarium præmissorum quomodolibet concessis, confirmatis, & innovatis. Quibus omnibus etiam pro sufficienti illorum derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, aut quævis alia exquisita forma ad hoc servanda foret, illorum tenores præsentibus pro plene, & sufficienter expressis, ac de verbo ad verbum insertis habentes, illis aliis in suo robore permanentibus, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Transumptis credi jubet.

§. 6. Volumus autem, ut præsentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides in iudicio, & extra adhibeatur, quæ præsentibus adhiberetur, si forent exhibitæ, vel ostensæ.

Dat. die 5. Aug. 1648. An. IV.

Datum Romæ apud S. Mariam Majorem sub Annulo Piscatoris die 5. Augusti 1648. Pontificatus nostri Anno IV.

CXII.

Commissio A. C. contra Senatum Civitatis Messanen. illiusque Senatores, Ministros, & alios, qui eripi fecerunt frumentum, quod ex ora Maritima Marchiæ Anconitanæ Mari vehebatur ad Portum Civitatis Veteris pro usu Rom. Curie, cum amplissimis facultatibus, etiam supponendi interdicto Ecclesiastico prædictam Civitatem, ejusque Territorium.

Dilecto filio Causarum Curie Camera nostra Apostolica Auditori Generali.

INNOCENTIUS PAPA X.

Dilecte fili salutem, & apostolicam benedictionem.

Motiva hujus commissionis.

§. 1. Innotuit nuper Nobis, quod cum de mense Julii, proxime præteriti, ut urgentibus hujus Urbis nostre necessitatibus provideretur, fuissent, ad oram maritimam Provincia nostre Marchiæ Anconitanæ Navi S. Petri nuncupat. sub gubernio dilecti filii Capitanei Joannis Hensten. Belge, imposta mille, & ducenta rubra frumenti jussu dilecti etiam filii, tunc existentis præfecti Annone ejusdem Urbis pro usu ipsius Annone, & Romanæ Curie emptæ, & inde mari ad portum nostrum Civitatis Veteris vehenda, dilecti filii Senatus Civitatis Messanen., Navem prædictam, per fretum Siculum transve-

tem ratibus armatis aggredi, illique iter impediri, ac eundem Joannem ad deducendam illam in Portum dictæ Civitatis Messanen. violenter cogi, & compelli, necnon frumentum ex eadem Nave auferri, licet ipse Joannes sapius, tam aggressoribus, quam dicto Senatui declarasset, & significasset, frumentum prædictum pro Camera nostra Apostolica, & Annone prædictæ servitio, adeoque pro Romanæ Curie usu transportari, ac insuper, quod antea de mense Januarii proxime præteriti, alla duo millia, & sexcenta rubra frumenti quæ in Navi Sancti Pauli nuncupata ex eadem Provincia Marchiæ pro Annone prædicta per idem fretum vehebatur, Senatus prædictus itidem, ut asseritur auferri, & eripi ausu temerario jussit, prout de facto ereptum fuit, excommunicationis sententiam, aliasque censuras, & poenas Ecclesiasticas a Sacris Canonibus, & Constitutionibus Apostolicis, & præsertim illa quotannis in die Cœnæ Domini legi solita contra impediens, seu invadentes eos qui victualia, seu alia ad usum Romanæ Curie necessaria adducunt, ac contra eos, qui ne ad prædictam Curiam adducantur, vel asserantur prohibent, impediunt, seu perturbant iniustas, & promulgatas damnabiliter incurrendo.

Contra reos procedi vult etiam excommunicatione.

§. 2. Quapropter, cum non deceat, tam graves reatus impunitos relinqui, motu proprio, ac ex certa scientia, & matura deliberatione nostris, deque Apostolicæ potestatis plenitudine, tibi per præsentem committimus, & mandamus, ut causam, & causas super omnibus, & singulis præmissis, tam ad instantiam dilecti filii nostri, & Camera prædictæ Commissarii Generalis, quam per Inquisitionem, & ex officio, & aliis omni meliori modo motas, & movendas cum suis incidentibus emergentibus, annexis, & connexis, totoque negotio principali contra Senatum, prædictæ Civitatis Messanen., illiusque Senatores, aliasque particulares personas, ac Ministros, & quoscunque alios præmissorum quomodolibet culpabiles quantumvis numeri, ac cujuscumque qualitatis, gradus status, conditionis, & dignitatis, etiam Ecclesiasticæ, etiam speciali mentione dignæ existant summarie, simpliciter, & de plano, sine figura, & strepitu iudicii, solaque facti veritate inspecta, etiam juxta ordinarias tuas facultates procedendo, ipsisque, tam conjunctim, quam divisim, etiam per edictum publicum confito itidem summarie, ac extrajudicialiter, & quantum tibi sufficere videbitur de non tuto accessu citatis, cognoscas, audias, decidas, & sine debito termines, ac Senatum prædictum, & particulares ejus personas eorumque Ministros, & alios in præmissis culpabiles repertos in excommunicationem, & aliis censuras, & poenas prædictas eo ipso incidisse declares, ac in illos excommunicationis sententiam si, & quatenus opus sit, feras, & ipublices sicque Senatus prædictus intra competentem terminum

num per te arbitrio tuo præfigendum declarationi, seu sententiæ, & publicationi per te faciendæ, seu ferendæ non paruerint, tunc declarationem, & sententiam tuam aggravans Civitatem Messanen. ac universum ejus territorium interdicto Ecclesiastico, tam locali, quam personali, & mixto supponas, ac suppositam, & suppositum esse, & fore nuncios, & declares, illudque observari mandes, aliaque omnia, & singula in præmissis, & circa ea necessaria quomodolibet, & opportuna quantumlibet speciali, & individua mentione digna geras, facias, & exequaris, ac executioni demandari cures, omni, & quocumque, etiam non frivola appellatione, reclamatione, recursu, nullitatis ditione, in integrum restitutione, aliisque remediis ordinariis, & extraordinariis penitus, & omnino remotis.

Intimationem assignandam.

§. 3. Nos enim tibi desuper plenam, amplam, liberam, & omnimodam facultatem, & potestatem concedimus, & imperimus. §. 4. Volumus autem, quod semel intimatio tuo monitorio in Valvis Basilicæ Principis Apostolorum, & in acie Campi Floræ de Urbe, ac insuper in Civitatibus Beneventi, & Terracina, deinde contra non comparentes procedas, procedique mandes, & jubeas per solam affixionem in eadem acie Campi Floræ, & monitorium, & citationes omnes, & singulos quos quomodolibet concernent afficiant, ac si essent in quolibet actu personaliter moniti, citati, & intimati.

Contraria tollit.

§. 5. Non obstant. fel. rec. Bonifacii Papæ VIII. Prædecessoris nostri de una, & Concilii Generalis de duabus dietis, aliisque Apostolicis, & in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, legibus quoque Imperialibus, & Municipalibus, stylo Curie, necnon dictæ Civitatis Messanen. & quibusvis aliis, etiam juramento, confirmatione Apostolica, vel quavis firmitate alia roboratis statutis, & consuetudinibus, etiam immemorabilibus, privilegiis quoque, indultis, & Literis Apostolicis, Civitati prædictæ, ac illius Senatui, Civibus, & Incolis, & quibuslibet aliis, sub quibuscumque ten., & formis, ac cum quibusvis, etiam derogatoriis, derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie, ac aliis in contrarium præmissorum quomodolibet concessis, approbatis, & innovatis. Quibus omnibus, & singulis etiam pro sufficienti eorum derogatione de illis, eorumque totis ten. specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, ten. hujusmodi, ac si de verbo ad verbum infererentur præsentibus pro plene, & sufficienter

expressis habentes, illis aliis in suo robore permanentibus, ad præmissorum effectum, hac vice dumtaxat specialiter, & expresse derogamus, ac derogatum esse decernimus cæterisque contrariis quibuscumque. Aut si Civitati, Territorio, Senatui, Civibus, Incolis, & personis illius, & aliis prædictis communiter, aut divisim fuerit a Sede Apostolica indultum, quod citari, seu in iudicio coram Judicibus de eorum consensu non deputatis, vel extra Siciliam, aut Civitatem prædictam, seu loca suæ habitationis evocari, & ad parendum alicui cogi, vel compelli, aut quod excommunicari, suspendi, vel interdicti non possint per Lit. Apostolicas non facientes plenam, & expressam, & individua de indulto hujusmodi mentionem, & qualibet alia ejusdem Sedis indulgentia generali, vel speciali, per quam præsentibus non insertam, seu expressam effectus illarum impediri valeat quomodolibet, vel differri, & de qua, cuiusque toto tenore habenda sit in nostris literis mentio specialis.

Dat. die 19. Sep. 1648. An. IV.

Datum Romæ apud S. Mariam Majorem sub Annulo Piscatoris die 15. Sep. 1648. Pontificatus nostri Anno IV.

CXIII.

Confirmatio Brevium Clementis VIII., & Pauli V. super erectione, & privilegiis Academiæ Oppidi Zomafchi Chelmen. Diocesis, & facultas dandi gradus, etiam in Theologia &c.

Ex Regest. in Secret. Breu.

INNOCENTIUS PAPA X.

Ad perpetuam rei memoriam.

§. 1. A Liàs a se. re. Clemente PP. VIII. Prædecessore nostro emanarunt literæ in simili forma Brevis, tenoris sequentis videlicet: Clemens PP. VII. Ad perpetuam rei memoriam. Sedes Apostolica, quam studiorum matrem, & altricem esse decet, Catholicas Universitates studiorum Generalium ad studiorum commoditatem institutas, privilegiis, & gratiis libenter exornat, prout temporum, & locorum ratio postulat, ac aliis in Domino salubriter conspiciat expedire. Cum itaque, sicut accepimus, dilectus filius Nobilis Vir Joannes Zomafchi Magnus Regni Poloniæ Cancellarius ad studiosæ juventutis omnimodum in ejus Oppido novo Zomafchi Chelmen. Diocesis Universitatem studii Generalis Hypeikomen nomine illi imposito instituerit, ac annuos perpetuos mille florenor. redditus illi assignaverit, & jam quinque Professores præclaris ingeniis, & non vulgari eruditione præditos ex Cracoviensi Academia illuc advocaverit, pluresque Professores convocare, ac uberiores fructus assignare, cum literis in eam operam dantes majores faciant progressus intendat.

Confirmat breve, & privilegia, cons.

§. 2. Nos Universitatem præfatam, ex speciali nostra, & Sedis Apostolicæ bene-

beneficentia, privilegiis, & gratiis exornare volentes singulari ipsius Joannis Institutoris pietate, ac animi magnitudine, ac precipua in Nos, & Apostolicam Sedem observantia adducti Universitati praefatae, sic, ut praefertur, erecta, ac illius pro tempore Rectori, Magistris, Professoribus, Scholasticis, & aliis quibuscumque personis, ut omnibus, & singulis privilegiis, gratiis, indultis, exemptionibus, libertatibus, Immunitatibus, praerogativis, honoribus, praeminentiis, favoribus, & facultatibus, etiam circa Doctores in Artibus Philosophiae, scientiaeque Civili, & utroque jure, ac medicina, & Notarios creandos, aliosque studiorum gradus conferendos, & aliis quibuslibet, quibus alie similibus studiorum generalium Universitatibus ubivis locorum, & gentium instituta, illorum Rectores, Magistri, Professores, Scholastici, & alie personae de jure, usu, consuetudine, aut aliis quomodolibet, tam ex Apostolica, quam Imperiali, seu Regali auctoritatibus utuntur, fruuntur, potiuntur, & gaudent, atque uti, frui, potiri, & gaudere possint, valeant, & debeant, utpote in ipsa Universitate pro tempore ad gradus quoscumque promoti, pari auctoritate, facultate, & dignitate praefulgant, iisdemque privilegiis, gratiis, honoribus, & praerogativis perfruuntur, atque alii in aliis Universitatibus promoti, itaut nulla inter eos fiat differentia, nec fictio locum habeat, auctoritate Apostolica tenore praesentium concedimus, & indulgemus, ipsiusque Universitatis Rectori, & Administratoribus, ut pro Universitatis felici regimine quaecumque statuta, licita, & honesta, ac Sacris Canonibus, & Concilii Tridentini decretis conformia condere valeant facultatem impertimur: Eidem autem Academiae Venerabilem Fratrem Modernum, & pro tempore existentem Episcopum Chelmen. loci Ordinarium perpetuo praeficimus, ipsumque Episcopum in eisdem Academiae perpetuum Cancellarium constituimus, & deputamus, utque eadem Academia, ejusque Lectores, Officiales, & Scholares Universi eidem Episcopo Chelmen. tanquam eorum Praefecto, & Cancellario perpetuo subesse, ac parere, & in omnibus obedientiam praestare debeant, & teneantur, neque Successores dicti Joannis Zamoski Cancellarii in eodem Oppido in administratione dictae Academiae, & illius bonorum quoquomodo sese ingerere possint, & valeant, sed illius gubernium, cura, & administratio, ad dictum Episcopum Chelmen. privative quoad dictos Successores perpetuo spectet, & pertineat: Idem vero Episcopus, & ejus in dicta Ecclesia Successores, in primis teneantur omni studio curare, ut in eadem Academia Catholica Religio, & obedientia Sedis Apostolicae conservetur. Quodque si dicta Academia, vel illius Officiales, Lectores, & Scholares a dicta fide Catholica, & Sedis Apostolicae obedientia (quod Deus avertat) aliquo tempore defe-

cerint, bona omnia a dicto Joanne Zamoski Cancellario eidem Academiae donata ad praedictam Ecclesiam Chelmen. eo ipso devolvantur, & devoluta esse censeantur, ac ex tunc de cetero in perpetuum spectent, & pertineant, statuimus, & Ordinamus, & cum expressa hac conditione privilegia, & gratias supradictas, & non alias, nec alio modo Nos concessisse declaramus; Sique in praemissis omnibus per quoscumque Judices ordinarios, & delegatos sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere decernimus.

§.3. Non obstantibus quibusvis Apostolicis, ac in Universalibus, & Synodalibus, ac Provincialibus Conciliis editis Generalibus, vel Specialibus Constitutionibus, & Ordinationibus, ac quarumcumque Universitatum studiorum generalium, etiam juramento, confirmatione Apostolica, vel quavis alia firmitate roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, approbatis, & innovatis. Quibus omnibus, & singulis illorum tenores, praesentibus pro sufficienter expressis habentes, hac vice dumtaxat specialiter, & expresse derogamus, ceterisque contrariis quibuscumque. Datum Romae apud S. Petrum sub Annulo Piscatoris die 29. Octobris 1594. Pontificatus nostri Anno III.

§.4. Et postmodum a re. mc. Paulo PP. V. etiam Praedecessore nostro emanarunt aliae literae in eadem forma Brevis tenoris, qui sequitur videlicet: Paulus PP. V. Ad perpetuam rei memoriam. Sacri Apostolatus Ministerio meritis licet imparibus divina dispositione praesidentes ea, quae pro Catholicarum, & Collegiarum Ecclesiarum, ac bonarum artium disciplinarum, & scientiarum propagatione, personarum quoque in his studiis, industriam, & operam navantium congrua sustentatione, onerumque illis incumbentium supportatione, necnon Orthodoxae Fidei conservatione cum divini cultus incremento per viros generis nobilitate pollentes, & de Fide Catholica optime meritos provide facta, & ordinata fuisse dicuntur, ut firma, & illibata perpetuo subsistant, libenter cum a Nobis petitur Apostolico praesidio communimus, ac desuper pastoralis officii nostri partes, favorabiliter interponimus, prout locorum, temporum, & personarum ratio postulat, & Nos conspicimus in Domino salubriter expedire.

§.5. Sane dilectus filius Nobilis vir Thomas Zamoski Dominus in temporalibus Oppidi de novo Zamoski Chelmen. Diocesis Nobis nuper exponi fecit, quod Joannes etiam Zamoski ejus Genitor, & Regni Poloniae, dum vixit supremus Cancellarius provide perpendens Universae Reipublicae uberimos, & multiplices fructus ex literarum studiis provenire, ac cupiens

Contrariis derogat.

Alia forma brevis.

Su pplicatio.

piens studia hujusmodi in ejus patrio solo vigere, necnon pro amplissimis gratiarum donis, & muneribus sibi ab Omnipotenti Deo bonorum omnium largitore benigne collatis, in devoti, & grati erga illum animi testimonium divinae suae majestati debita laudum praerogativa, & salutaris hostiae sacrificia jugiter offerri, & persolvi habita desuper cum tunc existente Episcopo Chelmen. loci Ordinario consultatione, & matura deliberatione, ac de illius licentia, & assensu omni meliori modo, & forma, quibus potuit, & quantum in se fuit ad ipsius Omnipotentis Dei laudem, & Gloriam, & salutare Resurrectionis Domini nostri Jesu Christi memoriam, & S. Thomae Apostoli ejusdem resurrectionis praerari testis honorem, distique Oppidi decorem, & ornatum in eodem Oppido unam Accademiam publicam pro illius, ac illorum Oppidorum, & Locorum, tam temporali suo dominio subditorumque altorum quorumcumque in pietate, morumque probitate, ac Doctrina Christiana, in literis Humanioribus, tam Graecis, quam Latinis, necnon Grammatica, Rhetorica, Dialectica, Logica, Philosophia naturalis & moralis, Philica, Methaphisica, utriusque Juris Prudentiae, Theologiae, ceterisque artibus, disciplinis, scientiis, & facultatibus licitis, erudien. imbuen., & instruere, unam quoque Collegiatam Ecclesiam cum Capitulo, Decano, Custode, Scholastico, ac certo Canonicorum, Vicariorum, & Ministrorum, qui eidem Ecclesiae in Divinis laudabiliter deservirent, fundavit, & instituit, ac sumptuosus, & magnificis aedificiis, structionibus, Cathedralis, Scholis, suppellestilibus sacris, & profanis, aliisque rebus ad Accademiae, & Collegiate Ecclesiae hujusmodi respective usus necessariis luculenter instruxit, & ornavit, congruisque redditibus annuis, & perpetuis ad ipsum Joannem, tunc legitime spectant. dotavit, necnon super prospero, ac felici statu directione, progressu, & stabilitate, tam Accademiae, quam Collegiate Ecclesiae hujusmodi, illarumque respective Rectoris, Lectorum, Professorum, Magistrorum, Praeceptorum, Scholarium, Decani, Custodis, Scholastici, Canonicorum, Vicariorum, Officialium, & Ministrorum qualitatibus honoribus, obligationibus, fundationibus, mercedibus, salariis, ceterisque rebus in praemissis, & circa ea necessariis & opportunis, plurima statuta, Constitutiones, Ordinationes, & Decreta condidit, & praescripsit: Quare dictus Thomas Nobis humiliter supplicari fecit, quatenus fundationi, institutioni, dotationi, aliisque praedictis pro illorum firmiori subsistentia, & observantia nostrae confirmationis roborata adiacere, ac alia infra concedere de benignitate Apostolica dignaremur.

§.6. Nos igitur, qui fidelium quorumlibet votis, praesertim divinum cultum, ac publicam utilitatem, ac commoditatem concernen. libenter annuimus, eaque fa-

Bull. Rom. Tom. VI. Par. III.

voribus prosequimur opportunis, praedictum Thomam a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolurum fore censentes, necnon redditum, & bonorum per dictum Joannem pro fundatione, institutione, & dotatione praedictis, donatorum, & assignatorum qualitates, & quantitates, praesentibus pro expressis habentes hujusmodi supplicationibus inclinati, easdem fundationem, Institutionem, & Dotationem, ac prout illas concernunt omnia, & singula licita tamen, & honesta, Sacrificaque Canonibus, & Concilii Tridentini Decretis non contraria, Apostolica auctoritate tenore praesentium approbamus, & confirmamus, illisque perpetuae, & inviolabilis Apostolicae firmitatis robor adiacimus, ac omnes, & singulos, tam juris, quam facti, ac quorumcumque solemnitatum, etiam substantialium defectus, si qui desuper quomodolibet intervenerint, supplemus, illaque omnia, & singula perpetuo valida, & efficacia esse, & fore, ac suos plenarios, & integros effectus sortiri, ac ab omnibus, ad quos spectat, & pro tempore spectabit observari, sicque per quoscumque Judices Ordinarios, quavis auctoritate surgentes, etiam causarum Palatii Apostolici Auditores, dictaque Sedis Nuntios, ac locorum Ordinarios judicari, & definiri debere, decrevimus insuper Accademiae, & Collegiate Ecclesiae praedictis, earumque respective Rectori, Cancellario, Professoribus, Lectoribus Praeceptoribus, Magistris, Scholasticis, Capitulo, Decano, Custodi, Scholastico, Canonicis, Vicariis, Ministris, Officialibus, & personis nunc, & pro tempore existentibus, ut omnibus, & singulis privilegiis, exemptionibus, libertatibus, immunitatibus, praerogativis, honoribus, praeminentiis, indultis, facultatibus, & gratiis, quibus alie similes Accademiae, & Collegiate Ecclesiae in dicto Regno, & ubicumque locorum, instituta, & illarum Rectores, Cancellarii, Professores, Lectores, Magistri, Praeceptores, Scholastici, Canonici, Vicarii, Ministri, Officiales, & personae de jure, usu, consuetudine, ac aliis quomodolibet utuntur, fruuntur, & gaudent, ac uti, frui, potiri, & gaudere possint, & poterunt quomodolibet in futurum non solum ad eorum instar, sed pariformiter, & aequae principaliter uti, frui, potiri, & gaudere libere, & licite possint, & valeant Apostolica auctoritate, & tenore praedictis perpetuo concedimus, & indulgemus.

§.7. Quo circa Venerabilibus Fratribus Gnesnen., & Leopoliens. Archiepiscopis, ac Episcopo Promioliens. per praesentes committimus, & mandamus, quatenus ipsi, vel duo, aut unus eorum per se, vel

A quocumque excommunicationis incur. su absolvit.

Pontifex approbat ralem Accademiam fundatorem acq. confirmat

Illiusque Officiales, honores, exemptiones ad instar aliarum Accademiarum cedit.

Executores deputat.

per alium, seu alios presentes literas, & in eis contenta quaecumque ubi, & quando opus fuerit, & quoties pro parte ipsius Thomae, necnon Rectoris, Cancellarii, Professorum, Rectorum, Praeceptorum, Magistrorum, Scholarium. Capituli, Decani, Custodis, Scholastici, Canonicorum, Vicariorum, Ministrorum, Officialium, & personarum huiusmodi nunc, & pro tempore existentium fuerint requisiti solemniter publicantes, necnon Thomae, & aliis praedictis in praemissis efficacis defensionis praesidio assistentes, faciant auctoritate nostra Thomam, aliosque praedictos praemissorum omnium, & singulorum commodo, & effectu pacifice frui, & gaudere, non permittentes illos desuper a quoquam quavis auctoritate quomodolibet indebite molestari, contraditores quoslibet, & Rebelles, per sententias, censuras, & poenas Ecclesiasticas, aliaque opportuna juris, & facti remedia appellatione postposita compescendo, invocato etiam, ad hoc si opus fuerit auxilio brachii secularis.

Obstantia tollit.

§.8. Non obstantibus se. re. Bonifacii PP. VIII. Praedecessoris nostri de una, & in Concilio generali edita de duabus dietis, dummodo ultra tres dietas aliquis auctoritate praesentium ad iudicium non trahatur, ac aliis quibusvis Apostolicis, necnon in Synodalibus, Provincialibus, & universalibus Conciliis editis generalibus, vel specialibus Constitutionibus, & Ordinationibus, ac literis piae me. Clementis PP. V. etiam Praedecessoris nostri per quas statuit & ordinavit, quod cura, gubernium, & administratio dictae Accademiae, illiusque bonorum ad pro tempore existentem Episcopum Chelmen. uti loci Ordinarium spectet, & pertineat. Quibus quidem literis dicti Clementis Praedecessoris quoad particulare statutum, & ordinationem huiusmodi dumtaxat eisdem literis in reliquis omnibus, quae foundationi, institutioni, & dotationi Accademiae huiusmodi non adversantur in suo robore permanens specialiter, & expresse harum serie derogamus, caeterisque contrariis quibuscumque.

Et administratio praedictae Accademiae Episcopi Chelmen committitur.

Fidei professores ab omnibus Professoribus in primis emittenda.

§.9. Volumus autem, quod Professores, Rectores, Lectores, Praeceptores, Magistri, & quicumque alii in praedicta Accademia docentes in primis, & ante omnia Catholicae Fidei professionem iuxta articulos pridem a Sede praedicta propositos in manibus pro tempore existentis Rectoris, seu Cancellarii dictae Accademiae, aut personae ad id ab eo deputandae emitte-re, ac etiam iurejurando interposito, quod nihil quicquam ab ipsa Fide Catholica devium, seu alienum doceant, aut interpretabuntur, promittere omnino debeant, & teneantur.

Datum Romae apud S. Mariam Majorem sub Annulo Piscatoris die 26. Sept. 1648. Pontificatus nostri Anno IV.

Datum Romae apud S. Mariam Majorem sub Annulo Piscatoris die 26. Sept. 1648. Pontificatus nostri Anno IV.

Suppressio Officii Vicarii Generalis Congregationis Gallicanae, Tertii Ordinis Sancti Francisci.

Ex Reg. in Secret. brev.

INNOCENTIUS PAPA X.

Ad futuram rei memoriam.

§.1. **A**lias fel. rec. Urbano Papae Octavo, Praedecessori nostro, pro parte tunc existentis Procuratoris Generalis Congregationis Gallicanae Tertii Ordinis Sancti Francisci de Penitentia nuncupat. exposito, quod multa praeter ceteris ipsius Congregationis statuta, Apostolica auctoritate, confirmata electionem, durationem, & auctoritatem Visitatoris, seu Vicarii Generalis, dictae Congregationis concernentia reperiebantur, quodque ipsum Visitatoris, seu Officium Vicarii Generalis huiusmodi auctoritate legitima institutum nullatenus apparebat, subinde idem Urbanus Praedecessor noster, ut ea, quae institutionem, ac statum Visitatoris, seu Vicarii Generalis huiusmodi concernebant, & quae ab illius directione dependebant, exacte, accurateque expenderentur, tunc existentibus Carnoten., Melden., & Sylvanestren. Episcopis, seu eorum Officialibus dedit in mandatis, quatenus ipsi, vel duo, aut unus eorum, ac alias sub certis modo, & forma tunc expressis, institutionem, ac statum Officii Visitatoris, seu Vicarii Generalis praefati, illiusque directionem diligenter, ac mature examinarent, partesque hinc inde in praemissis iudicere, prout occasio tulisset, reique qualitas exegisset audirent, illisque auditis, quae circa institutionem, ac statum Officii Visitatoris, seu Vicarii Generalis huiusmodi, illiusque directionem reperissent, egissentque illa, & informationes desuper captas eidem Urbano Praedecessori, & Sedi Apostolicae referrent, & transmitterent, ut quod pro felici, prosperoque dictae Congregationis, eiusque Provincialium directione statuendum, & ordinandum fuisset, matura consultatione adhibita, decernerent.

Supplicatio.

Causae seu vertentiae cognitio.

§.2. Postmodum vero eidem Urbano Praedecessori exposito, quod praefati Carnoten., & Melden. Episcopi relationem, & captas per eos informationes super praemissis ad eundem Pontificem transmiserant, & ab eis a parte contraria ad eum appellatum fuerat, idem Urbanus Praedecessor, ut negotium huiusmodi maturius discerneretur, illud, tum a nonnullis ex gravioribus Ordinis Professoribus, tum ab aliquibus Romanae Curiae Praelatis, auditis pluries hinc inde partibus, examinari mandavit, eorumque audita desuper sententia, motu suo proprio, deque Apostolicae potestatis plenitudine, & Officium Visitatoris, seu Vicarii Generalis huiusmodi praefatum, cum omnibus ab illo dependentibus, illisque connexis ad suum, & Sedis praedictae beneplacitum suspendit, & quousque ab eo, vel dicta Sede aliter in-

Urbanus Officium Visitatoris praedictum suspendit.

Pontifex hic Officium praedictum supplet.

praemissis dispositum fuisset, illud pro non instituto, ex tunc haberi voluit, & mandavit. Ac insuper ut Tertius Ordo praefatus in Regno Franciae prospere derigeretur, motu, & potestatis plenitudine similibus statuit, & ordinavit, ut omnes, & singula Fratrum praefatorum Provinciae, & Ministri Provinciales, soli dumtaxat Ministro Generali, Ordinis Fratrum Minorum, Sancti Francisci de Observantia nuncupat. pro tempore existenti una cum domo Regulari, seu Conventu S. Mariae Miraculorum nuncup. de Urbe Fratrum Tertii Ordinis praefati immediate subessent, & ad dictum Ministrum Generalem, necnon pro tempore existentem apud Sedem eandem, dicti Ordinis Protectorem, Romanamque Curiam in casibus occurrentibus recurrere tenerentur, & alias prout in binis eiusdem Urbani Praedecessoris in simili forma brevis literis desuper de 1641., & 1642. annis respective emanatis, quarum tenores praesentibus pro expressis haberi volumus, uberius continetur.

§.3. Cum autem, sicut accepimus quietis dictae Congregationis plurimum interesset, ut supra dictum Visitatoris, seu Vicarii Generalis huiusmodi officium, de cuius, ut praefertur, legitima constitutione hactenus non apparuit, minime remaneat amplius in suspenso, sed illud perpetua nostra, deque Sedis Apostolicae suppressione in futurum tollatur. Idcirco Nos ad uberes fructus, quos iidem Tertii Ordinis praedicti Fratres dictae Congregationis, vel ab ipsis primordio in Ecclesia militanti magno cum Reipublicae Christianae spirituali commundo attulerunt, & in dies asserere noscuntur paterne dirigentes considerationis intuitum, & sperantes, Deo dante, quod eadem Congregatio felicioribus deinceps in vinea Domini proficiet incrementis, necnon eosdem dicti Tertii Ordinis Fratres specialibus favoribus, & gratis professores volentes, & eorum singulares personas, a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodate existunt, ad effectum praesentium dumtaxat consequendum harum serie absolventes, & absolutas fore censentes, de Venerabilium Fratrum nostrorum S. R. E. Cardinalium negotiis Episcoporum, & Regularium praepositorum consilio, quibus praemissa examinanda specialiter demandavimus, & commissimus, auditis partibus, & re mature discussa, motu proprio, & ex certa scientia, meraque deliberatione nostris, deque Apostolicae potestatis plenitudine, Officium Visitatoris, seu Vicarii Generalis dictae Congregationis praefatum, quod vigore praedictarum literarum, motu proprio, ut praefertur, ab eodem Urbano Praedecessore emanatarum in suspenso remanserat, ten. praesen. perpetuo supprimimus, & tollimus, cum omnibus, & singulis ipsius dependentiis, annexis, & con-

Bull. Rom. Tom. VI. Par. III.

nexis, ipsamque Congregationem, illiusque Provincias, & personas nunc, & pro tempore existentes una cum praefata Domo Regulari Beatae Mariae Miraculorum de Urbe Ministro Generali Ordinis Fratrum Minorum Sancti Francisci de Observantia nuncupat. pro tempore existenti de cetero immediate subesse, & ad ipsum dumtaxat, & ad hanc Sanctam Sedem recurrere respective debere, & teneri, cum hoc tamen, quod pro tempore existens Minister Generalis eorumdem Fratrum Minorum de Observantia, Provincias praedictas per se, vel per suos speciales delegatos Visitatores juxta praescriptum statutorum generalium dicti Ordinis visitare, corrigere, ac in eis omnimodam Superioris Generalis jurisdictionem, toties, quoties opus fuerit exercere libere, & licite possit, & valeat volumus, & declaramus, perpetuumque desuper silentium imponimus, salva tamen in praemissis semper auctoritate eorumdem Cardinalium.

Ipsam Congreg. Ministro Generali FF. Minorum Sancti Francisci subicit.

§.4. Decernentes praesentes literas semper, & perpetuo validas, firmas, & efficaces existere, & fore, suosque plenarios, & integros effectus sortiri, & obtinere, & ab omnibus, & singulis quos illa concernunt, & concernent quomodolibet in futurum inviolabiliter, & inconcussae observari; sicque per quoscumque Iudices ordinarios, & delegatos, ac quosvis Commissarios quavis auctoritate fungentes, etiam Caesarum Palatii Apostolici Auditores, ac S. R. E. Card., etiam de latere Legatos, dictaeque Sedis Nuncios, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, ac definiti debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari.

Causa praeservativa, & Decretum iurisdictionis.

§.5. Non obstantibus praemissis, aliisque quibusvis Constitutionibus, & Ordinationibus Apostolicis, necnon omnibus, & singulis illis, quae idem Urbanus Praedecessor in suis literis voluit non obviare, caeterisque contrariis quibuscumque.

Derogatio contrarium.

§.6. Volumus autem, quod praesentium transumptis, etiam impressis, manu alicujus Notarii publici subscriptis, & sigillo personae in dignitate aliqua Ecclesiastica constitutae munitis, eadem prorsus fides in iudicio, & extra ubique adhibeatur, quae ipsis originalibus literis adhiberetur, si forent exhibitae, vel ostense.

Fidestran-scriptorum.

Datum Romae apud Sanctam Mariam Majorem sub Annulo Piscatoris die 1. Octobris 1648. Pontificatus nostri Anno IV.

Data die 1. Oct. 1648. An. IV.

Prorogatio subsidii ad decennium pro Ferdinando Magno Duce Hetruriae.

CXV.

INNOCENTIUS PAPA X.

Ad futuram rei memoriam.

§.1. **A**lias fel. rec. Paulo Papae Quinto Praedecessori nostro pro parte, tunc

Exordium.

Y 2